

四庫全書

子部

欽定四庫全書

演繁露卷九

宋程大昌撰

厨傳

宣帝元康二年詔曰吏或擅興徭役飾厨傳以稱譽過客按厨傳兩事也厨庖也以好飲食供過客則為飾厨也傳者驛也具車馬資行役則為飾傳也今人合厨傳為一槩謂豐饌為厨傳非也

于定國無冤民

古今稱于定國為廷尉天下無冤民此特舉其多者言之耳宣帝之臣如蓋趙韓楊有譽有勞而皆傳致以法入之死地然四人之中楊惲專以口語怨望尤其可矜者史家特書惲獄實定國所定有深意也然則謂天下全無冤民吾恐楊惲懷恚於地下也

澄心堂紙

江南李後主造澄心堂紙前輩甚貴重之江南平後六十年其紙猶有存者歐公嘗得之以二軸贈梅聖俞梅

詩鋪叙其由而謝之曰江南李氏有國日百金不許市一枚當時國破何所有帑藏空竭生薑苔但有圖書及此紙棄置大屋牆角堆幅狹不堪作詔命聊備麤使供鸞臺用梅詩以想其制必是紙製大佳而幅度低狹不能與麻紙相及故曰幅狹不堪作詔命也然一紙已直百錢亦已珍矣

十金

薛宣曰十金法重不忍相暴章匡衡坐多取封邑四百

金史卷之八  
卷九  
頃監臨盜所守十金以上免為庶人按漢以黃金一斤  
為一金十金之重者言其臧直滿十金也

白蓮花

洛陽無白蓮花白樂天自吳中帶種歸乃始有之

集有五有

白蓮泛舟詩曰白藕新花照水開紅窻小舫信風迴誰  
教一片江南興逐我殷勤萬里來又種白蓮詩曰吳中  
白藕洛中栽莫戀江南花懶開萬里携歸爾知否紅蕉

朱槿不將來

見長慶  
集卷五

# 浮石

衢州之下十里許深潭中有石兀立水面土人命為浮石白樂天集三卷有謝衢州張使君詩曰浮石潭邊停五馬則此水之有浮石其來久矣先是土人嘗有謠識曰水打浮石圓龍遊出狀元口口相傳亦莫知其語之為何自也石之出水也本甚嶄巖不齊紹興甲子歲兩浙大水漫滅垠岸浮石沒焉水退石仍出而嶄巖者皆去蓋為猛浪沙石之所淙鑿乃此圜渾也又一年歲在

乙丑龍遊縣人劉端明章魁廷試

嘌

凡今世歌曲比歌鄭衛又為淫靡近又即舊聲而加泛  
灑者名曰嘌唱嘌之讀如瓢玉篇嘌字讀如飄引詩曰  
匪車嘌兮言嘌無節度也元不音瓢廣韻嘌讀如杓疾  
次也亦不音瓢

鞞

揚子曰椀革為鞞亦各有法革皮也椀革為鞞即後世

之皮球斜作片瓣而縫合之故唐人借皮為喻而為詩  
以謂皮日休曰六片尖皮砌作毬火中燬了水中揉一  
包閒氣如長在惹踢招拳猝未休其謂砌皮包氣即今  
之氣毬也已古今物制固多不同以其類而求之於古  
即霍去病傳謂為穿城踏鞠者其幾於氣毬也已其文  
曰去病貴不省事在塞外卒乏糧或不能自振而去病  
尚穿城踏鞠也師古曰鞠以皮為之實之以毛踏蹙而  
戲也今世皮球中不置毛而皆砌合皮革待其縫砌已



周則遂吹氣滿之氣既充滿鞠遂圓實所謂火中燂了  
水中揉者欲其皮寬而能受氣也詳此意制當是古時  
實之以毛後加巧而實之以氣也呂后傳曰太后斷戚  
夫人手足使居鞠域中師古曰鞠域如踏鞠之域謂窟  
室也今築氣毬者以脚蹙使之飛揚上騰不復拘於窟  
域矣而軍中打毬之戲則以杖拂毬使之馳走而用快  
馬逐之尚存鞠域之法故疑古今因革如予所言也

小步馬

西域傳烏桓國出小步馬師古曰小細也言其能蹠足  
即今所謂百步千跡者也韓退之詩曰橫飛玉盞家山  
曉細蹠金珂塞草春用此也

### 按字

醫有按摩法按者以手捏捺病處也摩者按搓之也字  
當從手則其書當為按矣玉篇手部無按字廣韻有按  
字却從才別出案字從木注曰几屬也

### 酖醪

金定四庫全書  
卷九  
今世花之品目有茶蘼而廣韻無茶字玉篇云茶苦草也又苦菜也因引爾雅之言曰檟苦茶茶茶也篇韻皆無蘼字諸家字書皆有醑釀字注云酒也錢希白南部新書曰唐清明賜宰臣以下醑釀酒醑釀酒即重釀酒也

葑菲

詩曰采葑采菲無以下體玉篇葑蕪菁也菲菜名也按下體也者古者祭之用牲以上體為貴羊首牛首肩膊

心肺皆上體之物也至於腎腸臂足之類皆不用以其在下而汙穢也蕪菁之葉可食而不如其根之美故采葑者不棄下體也

菩薩石

楊文公談苑曰嘉州峨眉有菩薩石人多收之色瑩白如玉如上饒水晶之類日射之有五色如佛頂圓光文公之說信矣然謂我眉山有佛故此石能見此光則恐未然也凡雨初霽或露之未晞其餘點綴于草木枝

卷九  
葉之末欲墜不墜則皆聚為圓點光瑩可喜日光入之  
五色具足閃爍不定是乃日之光品著色於水而非雨  
露有此五色也我眉山佛能現此異則不可得而知此  
之五色無日則不能自見則非因我眉有佛所致也

鑊焦

鑊於刀切玉篇引說文云溫器也世言燒其肉當書為  
燒言從此鑊器之中和五味以致其熟也今人見霍去  
病傳有鑊戰之文又注家以多殺人為鑊遂書為鑊非

也又今人食饌有雜五味於肉中而熟之當為米焦而皆書為米脯尤無義理也齊民要術雜五味於米肉而熟之書為米焦言和米而熟之於焦也玉篇音缶且云火熟也

箛韃

董卓傳六十二卓膂力過人雙帶兩韃左右馳射注方言曰所以藏箭謂之箛藏弓謂之韃左氏傳云右屬橐韃

伍伯

後漢虞詡傳

四十

注續漢志伍伯公八人中二千石六

人千石六百石皆四人自百石已下皆二人黃綬武官  
伍伯文官辟車鈴下侍閣門蘭部署衙走卒皆有程品  
多少隨所典領率皆赤幘絳襦即今行鞭杖者也

華陽

後漢傳

三十

贊注梁州北拒華山之陽南距黑水故常

據叙蜀事謂之華陽國志也

魚筍

唐書王君郭傳

七十

君郭無行善盜嘗負竹筍如魚具內

置逆刺見鬻繒者以筍囊其頭不可脫乃奪繒去而主不辨也按魚具而內有逆刺此吾鄉名為倒鬚者也

方書

通典

四十

御史門曰張蒼為御史主柱下方書如淳曰

方板也謂事在板上也周禮以方書之書於板也

朱書御札



昭宗在鳳翔李茂貞白上三以朱書御札召崔胤胤竟不至

紀事三十八

五代史豆盧革傳莊宗時大水以責

孔謙謙不知所為小吏段徊曰臣嘗見前朝故事國有大故天子以朱書御札問宰相莊宗乃命學士草詔手自書之按今世上自人主下至臣庶用道科儀奏事於天帝者皆青藤朱字名為青詞恐初立此體時是倣道儀也

背嵬

沈存中筆談載拱宸管樂之辭曰銀裝背鬼打回回背  
鬼者大將帳前驍勇人也章氏槁簡贅筆曰背鬼即圓  
牌也以皮為之朱漆金花煥耀炳日予將漕時都統郭  
綱者韓蘄王背鬼也讀鬼如崔鬼蓋平聲也如沈存中  
歌則去聲也予以背鬼之義問郭郭不能言惟章氏書  
號為皮牌耳

### 竹筴

白樂天集十一入峽詩曰苒弱竹蔑筴欹危機師趾

筴即

也百丈

半池

白樂天集五十三池上竹下作云穿籬遶舍碧逶迤十畝閒居半是池

三宮三殿

國朝有太皇太后時并皇太后皇后稱三殿其後乘輿行幸奉太后偕皇后以出亦曰三殿人或非之按王嘉傳云自貢獻宗廟猶不至此顏師古注謂天子太后皇

后則三殿亦可通稱也唐有三殿則一殿而三面有殿也方鎮外國來朝則宴於此從銀臺門入

象魏

國語六管子對齊桓公曰昔吾先王世法文武設象以爲民紀韋昭曰設教象之法於象魏也按此單言設象知象魏所垂真有其象也國語於此下又對文曰式權以相應比綴以度權度衡尺有器之物知象魏爲畫象決也

繫馬

桓公城楚丘以封衛其畜散而無育公與之繫馬三百  
韋氏謂良馬在閑而不放散也則知繫馬千駟弗視言  
雖甚良而不取也

都盧緣

唐人以緣橦者為都盧緣按國語胥臣對晉文公曰侏  
儒扶盧韋氏謂扶緣也盧矛戟之秘緣之以為戲

上元觀燈四日

會元引唐志云先天二年用胡僧婆隨請夜開門燃百  
千燈觀樂凡四日按本朝諸書或言太祖特命正月十  
七日後更放燈二日或言錢王來朝進錢買燈兩夕特  
為展十七十八仍為燈夕予嘗於秦王進奉錄辨其事  
曰不起錢王買燈也然以先天事攷之則其時自上元  
觀燈後凡更有三日則買燈展日之法愈為無據又唐  
朝三元謂正月七月十月望日皆燃燈至中年方罷中  
下元兩節放燈也

上中下褚衣

南粵王傳陸賈往賜尉佗上中下褚衣師古音云綿裝衣以綿多少分三品

閼閱

史記古人之功有三以德以言以功明其等曰閼積曰閼

衣錦夜行

東觀漢記建武二年封景丹為櫟陽侯上謂曰富貴不

歸故鄉如衣錦夜行故以封卿

御覽二百

按前漢皆言衣繡

惟此言衣錦

### 祭戟當斧鉞

漢雜事竇固征匈奴騎都尉秦彭擅刺軍司馬固奏劾

之公府掾郭躬

或為郎躬

曰漢制假祭戟以當斧鉞彭得斬

人

### 朱衣非舊制

王儉為司右長史晉令公府長史著朝服宋大明以來



著朱衣儉言宜復舊制時不許

扁舟五湖

隗囂傳方望以書辭囂曰范蠡收責勾踐乘扁舟於五湖注曰計然云范蠡乘扁舟於五湖

丈二之組

嚴助傳淮南王曰陛下以方寸之印丈二之組鎮撫方

外漢官儀曰綬長一丈二尺法十有二月

御覽綬門

按綬組

同朱買臣懷綬郎吏引綬即太守章則綬也者以之佩

玉佩印皆同也又續漢書輿服志曰百石青紺綸一米

宛轉縵織長丈二尺

御覽八  
百十九

刺

漢外戚傳

二十  
七下

成帝答許皇后詔曰皇帝有所疑便不

便其條刺使大長秋來白之師古曰條謂分條之刺謂  
書之於刺板也刺音千賜反

天子服璽

漢元后傳高祖即位即服秦傳國璽王莽時孺子嬰未

立璽藏長樂宮按此知天子亦佩璽也故孫萬世謂昌邑王曰而聽人解脫其璽綬乎是每朝即佩也

箭貫耳

原陟傳茂陵守令尹公捕原陟迫窘諸豪說尹公原巨先犯法不得使肉袒自縛箭貫耳詣庭門謝罪耶按玉篇引說文云軍法以矢貫耳為朕朕音恥列反又徒安反司馬法曰小罪朕中罪刖大罪剕子玉治兵於薦貫三人耳

五稷

職方氏并州宜五稷鄭玄曰黍稷麥稻菽后稷社稷皆取此以其該五種名之也

丹圖

秋官司約凡大約劑書於宗彝小約劑書於丹圖注春秋傳曰斐豹隸也著於丹書漢高紀鐵券與功臣剖符作誓丹書鐵券藏之宗廟

象刑

司圜掌收教罷民凡害民者弗使冠飾而加明刑焉注  
弗使冠飾者著黑幪若古之象刑歟

卵翼

左傳哀公下曰子西曰勝如卵余翼而長之今人言卵  
翼之恩本此

憲牖

說文穿壁以木為交牆所以見日也向北出牖也在牆

曰牖在壁曰憲

御覽百  
八十四

宰相直筆

舊唐書至德中宰相迭秉筆處斷每十日一易及賈耽  
趙憬陸贄盧邁同平章政事百寮有所關白更相避不  
言於是奏議請旬秉筆者出應之時貞元九年也其後  
又請每日更筆其年迭以應事皆從之

櫓

許氏說文曰櫓大楯也案今城上雉堞曰櫓為其在城  
上可以蔽人如人之被楯也

公侯干城

方言曰楯自關而東謂之猷

音代

或謂之干

扞也

關西謂之

楯案此即詩謂公侯干城鄭氏謂為扞城者扞者櫓也雉堞可以蔽鄣城是扞城也

玉堂

漢武故事玉堂去地十二丈基階皆用玉

孔子食昌歠追文王

文王嗜昌歠仲尼食之以取味事見呂氏春秋曰文王

好菹孔子聞之蹙額而食之三年然後美之按此御覽  
所記恐菹字上脫一昌歟字

餽飩

世言餽飩是塞外渾氏屯氏為之案方言餅謂之飩

徒昆

反或謂之餽音張或謂之餽音渾則其來久矣非出塞外也

並御覽

漆雕几

鄴中記石虎御座几悉漆雕皆為五色花也按今世用



朱黃黑三色漆皆冒而雕刻令其文層見疊出名為犀  
皮與虎刺同又異苑有神人著平巾袴褶語秀云聞君  
巧侔班魯刻几尤妙太山府君相召又漢書貢禹奏曰  
見賜杯案畫文金銀飾非所以食臣下也魏武上雜物  
疏曰御物有純鉏參鏤帶漆畫案一枚鹽鐵論曰文杯  
畫案所以亂治也又梁簡文帝書案銘曰刻香鏤采織  
銀卷足漆花曜紫畫製舒綠怪廣知平入雕非曲

嶧山

爾雅曰魯國鄒縣有嶧山純石相積構連屬而成山又  
史記始皇二十八年上鄒嶧山立石刻秦功德鄒山記  
曰山東西二十里南北十三里高秀獨出積石相臨殆  
無壤土石間多孔穴洞達相通往往有如數間居處其  
俗謂之嶧孔太平廣記其石玲瓏如此宜孤桐清響中琴瑟  
也

石櫛銘

莊子八埶韋曰靈公死卜葬於故墓不吉卜葬於沙丘

而吉掘之數仞得石槨焉洗而視之有銘焉曰不馮之  
子靈公奪而埋之夫靈公之為靈也久矣

### 碁道

今碁方十九道合枰為碁子三百六十一案李善注韋  
昭博奕論枯碁三百引邯鄲淳藝經曰碁局縱橫各十  
七道合二百八十九道白黑碁子各一百五十枚

選五十七

### 演繁露卷九

欽定四庫全書

演繁露卷十

宋程大昌撰

白板天子

國璽傳注引蕭子顯齊書與服志云晉亂國璽沒北人號晉諸帝為白板天子白板如今板授之官無詔敕也魏晉至梁陳授官有板長一尺二寸厚一寸闊七寸授官之辭在於板上為鵠頭書

白板天子言不得璽如無告命官也

禮

領之交會也五行志引昭公十年叔向言衣有禮視不

過袪禮之中

視下  
言徐

鎗

御覽鐙門笑林云太原人夜失火欲出銅鎗誤出熨斗

曰異事火未至已燒失脚

白日夜繡

風俗通義江夏張遼為兗州太守以二千石尊過鄉里

白日夜繡榮羨如此

御覽九百  
五十二

齊鼓盆瓮為樂

晏子春秋曰景公飲酒數自去冠被裳自鼓盆瓮召晏子至請去禮晏子不可乃糞洒席召衣冠以逆晏子按此則鼓盆佐樂不止秦人齊亦有之矣易曰不鼓缶而歌則大耋之嗟凶

地圖一寸折百里

正元十一年賈耽進華夷圖廣三丈率以一寸折百里

太平  
廣記

羽檄

魏武奏事曰有急以雞羽插木檄謂之羽檄說文曰檄

以木簡為書長尺二寸

光武紀注

太公丹書

大戴禮曰武王問有藏約可以為子孫者乎師尚父曰  
在丹書王齋三日尚父端冕奉書而入則負屏而立王  
堂下南面而立受之曰敬勝怠者吉怠勝敬者滅

太平五百

白接籬

寶華酒譜白接籬巾也

龜符

張鷟朝野僉載漢發兵用銅虎符唐初為銀兔符以兔為符瑞也又以鯉魚為符瑞遂為銅魚符以佩之至偽周武姓也玄武龜也又以銅為龜符又云上元中令九品以上佩刀礪筭袋仍為魚形結帛作之取魚之衆鯉之強兆也至偽周乃絕景雲唐復興又準前結帛為飾



金吾

揚子雲執金吾箴吾臣司金敢告執璜則知金吾者以金飾其兩末也今管軍官入朝所執之杖皆金釦其末也漢志謂金吾為馬非也

義和

山海經海外有女名義和浴日於甘泉

胡牀

隋高祖意在忌胡器物涉胡言者咸令改之其胡牀曰

交牀胡荈曰香荈胡瓜曰黃瓜然江都執帝者乃令狐

行達也

趙毅大業畧記

秦得讖書言亡秦者胡乃起長城以扞

胡不知亡秦者廼胡亥也

### 百丈

南史朱超石傳宋武北伐超石前鋒入河軍人緣河南岸牽百丈有漂度北岸者杜詩上蜀多言百丈也

### 鄣扇

諸王鄣扇不得雉尾

義恭傳

鯢魚

鯢魚四足長尾鱗成五色頭似龍無角

南詔錄

金馬碧雞祠

二高山東有碧雞西為金馬者云漢武使王褒祠二神於彼其地當在西蜀在彼者恐未真也

鳳棲梨

陝州有棠樹正觀中有鳳止其上結實香脆其色赤黃

號鳳棲梨

洛中記異

碧落觀

絳州碧落觀龍朔中刺史李謐為母太妃追薦所造神

人所篆

洛中  
記異

旌表門閭

冊府元龜石晉天福二年閏七月壬申尚書戶部奏李  
自倫義居七世準敕旌表門閭先有登州義門王仲昭  
六代同居其旌表有廳事步欄前列屏樹烏頭正門閭  
闊一丈二尺二柱相去一丈柱端安瓦桶墨染號為烏

頭築雙闕一丈在烏頭之南三丈七尺夾街十有五步  
槐柳成列今舉此為例則令式不該詔王仲昭正廳烏  
頭門等事不載令文又無敕命既非故事難黷大倫宜  
從令式只表門間於李自倫所居之前量地之宜高其  
外門門安綽楔門外左右各建一臺高一丈二尺廣狹  
方正稱臺之形坊以白泥四隅染赤其行列樹植隨其  
事力其同籍課役一準令式

鍾釜

晏子曰齊其歸陳氏矣公棄其民而歸於陳齊舊四量  
豆區釜鍾四升為豆自其四以登於釜注四豆為區區  
斗六升也四區為釜釜六斗四升也釜十則鍾六斛四  
斗陳氏三量皆登一焉鍾乃大矣

明皇孝經

玄宗開元中親注孝經并製序八分書之立于國學以

層樓覆之

秦再思洛  
中記異

黃屋左纛

黃屋者天子車蓋以黃為裏也左燾者以犛牛尾為之  
大如斗在最後左騑馬繫上也繁纓在馬膺前如索囊

即馬纓也

獨斷

屏車

韓子國有法術賞罰若陸行之有屏車良馬

殺青

劉向列子序皆殺青書注謂汗簡刮去青皮也

尋常

八尺為尋倍尋為常

神道碑

裴子野葬湘東王為墓誌銘陳于藏內邵陵王又立墓誌埋于羨道道列誌自此始

墓石

南史宋張永開冢內得銅威斗有一石銘大司徒甄邯之墓

石室



黃瓊曰陛下宜開石室按河洛外命史官條上災異注  
云石室藏書之府

三尺

杜周曰三尺安出哉注以三尺竹簡書法律也

獲生人亦為級

衛青傳斬三千七百級師古曰本以斬敵一首拜爵一  
級故謂一首為一級因復名生獲一人為一級也此意  
與車稱兩馬稱匹同

栢栗

詩皇矣其檟其栢音栢為列或為例陸德明音云舍人注爾雅云江淮之間呼小栗為栢栗吾鄉有小栗叢生其外蓬中實皆與栗同但具體而微耳故名栢栗栢猶兒

鐵券

形似半破小木甑子曲處著肚上有四孔穿縑處其文

於外面鐫陷金

辛齊炁王  
堂新制

八投

王莽傳平原女子遲昭平能說經博以八投服虔曰博  
奕經以八箭投之

齊斧

易喪其齊斧應劭曰齊利也

莽傳

銅柱

楚王馬希範既破羣蠻自以為伏波之後以銅五千斤  
鑄柱高丈二尺入地六尺銘誓狀於上立之溪州

古貝

唐環王傳出古貝古貝草也緝其花為布粗曰貝精曰  
氎按今吉貝亦緝花為之而古吉二字不同豈訛名耶  
抑兩物

銅作兵

食貨志賈誼言收銅勿布以作兵器注古以銅為兵按  
此則漢猶以銅為兵也

飛子

武帝時募民田南夷入粟縣官而內受錢於都內注入穀外縣而受錢於京師主藏者按此則國初入中之法漢有之矣亦唐人飛子錢之類

飛子見唐會要

### 籟

莊周天地人皆言籟說文曰三孔籟也大者謂之笙中者謂之籟小者謂之箛

### 瓊

說文瓊赤玉也詩有瓊琚玉佩左氏楚子為瓊弁玉纓

玉與瓊皆對別言之若等為一玉不分言也今人用瓊  
比梅雪皆誤

夷玉

說文珣玕璣皆醫無閭玉周書所謂夷玉也

球

玉磬也

追鋒車

魏志高貴鄉公注云帝與司馬望王沈裴秀鍾會等講

宴於東堂帝性急請召欲速秀等在內職到得及時以  
望在外特給追鋒車每有集會望輒奔馳而至

酺  
音蒲

文帝賜天下酺五日文潁曰漢律三人以上無故羣飲  
酒罰金四兩今詔賜得令聚會飲食五日也此即周羣  
飲汝勿佚文紀

箏

鼓絃竹身樂也按今箏未有以竹為之者

# 箋

表識書也鄭箋毛詩崔豹釋說甚多至謂毛公嘗為鄭康成郡守故不同它書直注釋之其云箋者猶上箋之義尊之其說雖無害義而迂曲不徑如許氏所說則直以簡隨本文表識其義猶曰鄭氏簡之云耳史以冊書祝曰冊祝後人以聯簡著古書曰某人編其義一也

## 說文𡇗改二字重出

爻類釋𡇗曰𡇗大剛卯也以逐精鬼从爻亥聲爻類釋



改曰改大剛卯以逐鬼彫也

音義如魁

从攴已聲讀若已剛

卯豈王莽時所鑄此時改而大之以為禳崇之物耶二物同用設有二聲止合附著一類不應兩出

### 先馬

荀子正論天子乘大路諸侯持輪挾輿先馬注先馬導馬也後世太子洗馬釋者曰洗先也亦此先馬之義也天子出則有先驅太子則有洗馬言騎而為太子儀衛之先也

## 屋楹數

王盈孫傳僖宗還蜀議立太廟盈孫議曰故廟十一室  
二十三楹楹十一梁垣墉廣袤稱之禮記兩楹知其為  
兩柱之間矣然楹者柱也自其奠廟之所而言兩楹則  
間于廟兩柱之中於義易曉後人記屋室以若干楹言  
之其將通數一柱為一楹耶抑以柱之一列為一楹也  
此無辨者據盈孫此議則以柱之一列為一楹也

## 葉子

古書皆卷至唐始為葉子今書冊也

壓角

裴廷裕東觀奏記云令狐綯主裴坦知制誥裴休拒之不勝命既行諸政事謁謝丞相故事謝畢便於本院上事四輔送之施一榻壓角而坐坦巡謝至休休曰此乃首台謬選非休力也肩輿便出不與之坐按此即壓角故事乃是執政送上不與舍人均禮故設榻隅坐名為壓角

# 鐵甲

仲長統昌言政損益篇云古者以兵車戰而甲無鐵札之制今誠以革甲當強弩亦必喪師亡國也按此即後漢時甲有鐵札矣未知前漢如何

## 黎明

史記呂后紀黎明孝惠還徐廣曰黎猶比也將明之時也此說非也犂黎古字通黎黑也黑與明相雜欲曉未曉之交也猶曰昧爽也昧暗也爽明也亦明暗相雜也遲

明即未及乎明也厥明質明則已曉也

犬戎雞林

章僚回程至海州長汭縣東北百餘里船巫祭小青山  
神巫具餅餌先作擊擊之聲復撒米一把彼俗云雞林  
之地祭先皆以米或云雞林本雞種也高麗不烹雞云  
如烹即家有禍按此與犬戎諱犬同

霜月皇極日

歸田錄漢韓明府修孔子廟碑云永壽二年歲在涒灘

霜月之靈皇極之日永壽桓帝年號霜月極日恐是九月五日

東帛又端正

玉壺清話胡旦云古義東脩謂脯十挺即為一束東帛則卷為二端五疋表王者屈折隱淪之道

拜稽首

哀十七年公會齊侯于蒙孟武伯相齊侯稽首公拜齊人怒武伯曰非天子寡君無所稽首二十一年公及齊

侯邾子盟于顧齊責稽首因歌之曰魯人之皐數年不

覺使我高蹈

注言魯人皐級數年不知  
荅齊稽首故使來高蹈

唯其儒書以為

二國憂注二國齊邾也言魯據周禮不肯荅稽首令齊  
邾遠至平衡曰拜下衡曰稽首至地曰稽顙注平衡謂  
齧折頭與腰如衡之平禮記平衡與此義殊

大畧

### 宰木拱

秦襲鄭百里奚與蹇叔諫秦伯怒曰若爾之年者宰上  
之木拱矣注云宰冢也拱可以手對抱

公羊傳二  
十三年

對抱

者以兩大指圍合之也與拱把之桐梓同也

### 篋

漢張敖傳篋與注家雖得其義不詳其制之所來公羊文十五年齊人歸公孫敖之喪脅我而歸之筍將而來也何休注筍者竹篋一名編輿齊魯以北名之曰筍將送也為叔姬淫惡魯類故取其尸置編輿中傳送而來案竹筍也編篋皆以竹篋編比而成輿也古有車車以轅繫馬而行已而有輦輦者設杠以人肩之故皇甫謐



曰禁為無道以人駕車是步輦之始也既有輦則以竹為輿智起於是矣淮南王安曰輿輜而入領始名輜也

郭郭

城之外更有遮衛其名為郭亦為郭郭猶棺之外又有槨也公羊文十五年齊侯伐曹入其郭郭者何恢郭也注恢大也郭城外郭故揚子雲曰天地之為萬物郭五經之為衆說郭揚子雲於名數不苟也

揖

公羊僖二年晉謀伐郭荀息進獻公揖而進之注以手  
通指曰揖又文六年晉靈公望見趙盾愬而再拜盾北  
面再拜稽首注頭至地曰稽首頭至手曰拜手據此即  
今俗名叉手是也亦拱手之義也拜首則身屈矣首不  
至地稽首則首至地矣

筭

僖九年婦人許嫁字而筭之注筭者簪也所以繫持髮  
象男子飾也

時臺

公羊莊三十一年注天子有靈臺以候天地諸侯有時臺以候四時

臺榭

左氏哀元年子西曰今聞夫差次有臺榭陂池焉注積土高曰臺有木曰榭言徒土則為臺上有架造則為榭

吳牛喘月

風俗通曰吳牛望見月而喘使之苦於日見月怖喘矣

御覽  
月門

世說亦載滿奮云臣猶吳牛見月而喘

### 韋弦

西門豹性急佩韋以自緩董安于性緩佩弦以自急


韓子

### 養和

李泌訪隱選異采怪木蠟枝以隱背號曰養和人至今

效之乃為養和以獻

太平  
廣記



演繁露卷十

欽定四庫全書

子部

演繁露卷十三

詳校官中書<sub>臣</sub>丁榮祚

員外郎<sub>臣</sub>牛棣文覆勘

總校官進士<sub>臣</sub>朱鈐

校對官編修<sub>臣</sub>沈清藻

謄錄監生<sub>臣</sub>顧九苞

欽定四庫全書

演繁露卷十一

宋 程大昌 撰

左右史螭陛侍立

本朝置左右史正沿唐制而近者二史更日入侍檟立殿上東南偏不執筆則皆不與唐合按唐志天子御正殿則郎舍人分左右立有命則俯陛以聽退而書之若仗在紫宸內閣則夾香案分立殿下直第二螭首和墨濡筆皆即坳處時號螭頭李肇國史補兩省譔起居即

為螭頭以其立近石螭首也鄭覃傳曰記注操筆在赤墀下楊嗣復言故事正衙起居注在前張次宗傳文宗始詔左右史立螭頭下則今立殿上東南偏非唐制也既曰郎舍人分立左右操筆則今更日入侍又不執筆皆非也唐去今雖不遠而殿螭位置史無詳制顧雜載中時有可以參攷者耳王仁裕入洛記記含元殿所見甚詳曰玉階三級第一級可高二丈許每間引出一石螭頭東西鱗次而排一一皆存猶不傾墊第二三級各



高五尺許蓮花石頂亦存階兩面龍尾道各上六七十步方達第一級皆花磚微有虧損賈黃中談錄含元殿前龍道自平地凡詰曲七轉由丹鳳門北望宛如龍尾下垂於地兩垠欄悉以青石為之至今石柱猶有存者仁裕所見後唐時也黃中所見本朝初也合二說驗之則龍尾道夾殿階旁上而玉階正在道中階凡三大層每層又自疏為小級其下二大層兩旁雖皆設扶欄欄柱之上但刻為蓮花形無壓頂橫石其上一大層者每

小級固皆有欄欄柱頂更有橫石通亘壓之而刻其端  
為螭頭溢出柱外是其殿陛所謂螭首者也然唐之大  
內有二太極西內也含元東內也高宗別營大明宮於  
故宮為東南偏是名南內自高宗後累朝多居其地故  
凡唐史所載朝會多大明制也宮據龍首山趾而高自  
丹鳳門入第一重為含元殿殿陛從平地直上四十餘  
尺方與殿平王賈所見階陛皆含元制而唐志記二史  
所立螭陛則非含元也含元第次甲於諸殿惟元正冬

至受朝始出御之他朝會否也含元直北方得宣政宣  
政者正殿亦名正衙蓋朔望受朝之地宣政之左則為  
東上閣右為西上閣而宣政又北始為紫宸自開元後  
每遇朔望薦獻宗廟天子謙避正殿輒虛宣政不御而  
退御紫宸紫宸無仗則從宣政喚仗自東西二閣而入  
百官隨之所謂入閣也唐志言在正殿則俯陛聽命者  
謂宣政也言仗在內閣而夾香案分立第二螭者謂紫  
宸也是唐志二史所立皆不在含元殿故王賈所記螭

陸第可因之以想他殿而不可憑之以證定唐志也宣  
政紫宸相為南北合大明一宮俱在龍首東麓凡殿以  
次退而之北則址亦以次北而加高每殿必為峻道乃  
始可升則宣政紫宸每陞每級壓欄悉應有螭故有第  
二螭首也是二史所立下乎赤墀而高乎前庭故在宣  
政則俯陸乃可聽命在紫宸則正直次二螭首其地其  
制皆相應也和墨滯筆皆即坳處坳陸石之窪曲而可  
以受墨者也今人用螭坳則可謂立殿坳則誤矣唐志

宣政殿朝日殿上設黼衣躡席熏鑪香案而宰相兩省  
官對班于香案前百官班于殿庭人主既御黼坐宰相  
兩省官拜訖乃始升殿則是香案也者正在殿上而對  
班案前者乃從殿下準望言之其曰拜已升殿即可見  
已及其入閣而夾侍香案亦從左右準望而言非真夾  
並香案也白樂天和元稹霓裳羽衣歌曰舞時寒食春  
風天玉欄干下香案前案前舞者顏如玉推此言也則  
香案似在玉欄干之下而實不然也欄出庭上則舞庭

者自在欄下庭在案南則在庭者孰非香案之前豈其  
欄楯之下別設香案也耶元稹自言我是玉皇香案吏  
其亦準望而為之言歟宋景文筆記曰子領門下省會  
天子排正仗吏供洞案設於前殿兩螭首間案上設燎  
鑪修注官夾案立則此時二史已誤立殿上矣然猶在  
御座前而分左右夾侍也王容季叙事記國朝駕坐  
則修起居注立於御座後慶歷中歐陽修以諫官修  
注始立上前北面以視上閣門用故事諭之使退修曰

起居注非殿中祇候人不當立於座後閣門疑其有故事不敢彈奏修既罷其後修注者乃復退立於座後歐文忠所執其殆唐制乎然猶立殿上者國朝殿陛之制不與唐同也唐殿據龍首而高故降殿而立直二螭其立者之首猶微出殿墀故俯陛而聽於事為宜汴京大內正在平地殿級不越尋丈自上達下欄頂壓石通竟止用一螭若降殿而立使直第一螭首則立處已在殿庭不能俯陛聽事其勢不容不與唐異也徽宗朝李誠

營造法式有殿陛螭首圖繪載極詳其言曰螭首施之對柱及殿四角隨階斜出其長七尺然則宋景文記洞案直兩螭間其對柱之螭歟今二史更直而皆立東南偏其並殿角隨階之螭歟以其皆有石螭壓之因遂認以為唐螭而實非其地也螭頭所施雖異其處而又因誤生誤故二史更侍皆立東南偏全與唐異也然慶厯間雖不立御座之前而立於其後於今又不同特不知今立東南偏復起於何時也



# 呆愚

前世載呆愚之制凡五出鄭康成引漢闕以明古屏而謂其上刻為雲氣蟲獸者是禮疏屏天子之廟飾也鄭之釋曰屏謂之樹今浮思也刻之為雲氣蟲獸如今闕上之為矣此其一也顏師古正本鄭說兼屏闕言之而於闕閣加詳漢書文帝七年未央宮東闕呆愚災顏釋之曰呆愚謂連屏曲閣也以覆重刻垣墉之處其形呆愚一曰屏也呆音浮此其二也漢人釋呆為復釋愚為

思雖無其制而特附之義曰臣朝君至果愚下而復思至王莽劓去漢陵之果愚曰使人無復思漢也此其三也崔豹古今註依放鄭義而不能審知其詳遂析以為二也闕自闕果愚自果愚其言曰漢西京果愚合板為之亦築土為之詳豹之意以築土者為闕以合板者為屏也至其釋闕又曰其上皆丹堊其下皆畫雲氣仙靈奇禽異獸以昭示四方此其四也唐蘇鶚謂為網戶其演義之言曰果愚字象形果浮也愚絲也謂織絲之文

輕疏浮虛之貌蓋宮殿窻戶之間網也此其五也凡此  
五者雖參差不齊而其制其義互相發明皆不可廢也  
果愚云者刻鏤物象著之板上取其疏通連綴之狀而  
果愚然故曰浮思也以此刻鏤施於朝屏則其屏為疏  
屏施諸宮禁之門則為某門果愚而在屏則為某屏果  
愚覆諸宮寢闕閣之上則為某闕之果愚非其別有一  
物元無附著而獨名果愚也至其不用合板鏤刻而結  
網代之以蒙冒戶牖使雀蟲不得穿入則別名絲網凡

此數者雖施實之地不同而其罍愚之所以為罍愚則未始或異也鄭康成所引雲氣蟲獸刻鏤以明古之疏屏者蓋本其所見漢制而為之言而予於先秦有攷也宋玉之語曰高堂邃宇檻層軒層臺累榭臨高山網戶朱綴刻方連此之謂網戶者時雖未以罍愚名之而實罍愚之制也釋者曰織網於戶上以朱色綴之又刻鏤橫木為文章連於上使之方好此誤也網戶朱綴刻方連者以木為戶其上刻為方文互相連綴朱其色也網

其狀也若真謂此戶以網不以木則其下文之謂刻者  
施之何地而亦何義也以網戶綴刻之語而想像其制  
則呆愚形狀如在目前矣宋玉之謂網綴漢人以為呆  
愚其義一也世有一事絕相類者夕郎入拜之門名為  
青瑣取其門扉之上刻為交瑣以青塗之事見王后傳  
注故以為名稱謂既熟後人不綴門闥單言青瑣世亦  
知其為禁中之門此正遺屏闕不言而獨取呆愚為稱  
義例同也然鄭能指漢闕以明古屏而不能明指屏闕

之上孰者之為果愚故崔豹不能曉解而析以為二顏師古又不敢堅決兩著而兼存之所以起議者之疑也且豹謂合板為之則是以刻綴而應果愚之義矣若謂築土所成直繪物象其上安得有輕疏果愚之象乎況文帝時東闕果愚嘗災矣若果畫諸實土之上火安得而災之也於是乃知顏師古謂為連屏曲閣以覆垣墉者其說可據也崔豹曰闕亦名觀謂其上可以觀覽則是顏謂闕之有閣者審而可信闕既有閣則戶牖之有

果愚其制又已明矣杜甫曰毀廟天飛雨焚宮夜徹明  
果愚朝共落輪桶夜同傾正與漢闕之災果愚者相應  
也蘇鶚引子虛賦果網彌山因證果當為網且引文宗  
甘露之變出殿北門裂斷果愚而去又引溫庭筠補陳  
武帝書曰果愚晝捲闔闔夜開遂斷謂古來果愚皆為  
網此誤以唐制一偏而臆度古事者也杜寶大業雜記  
乾陽殿南軒垂以朱絲網絡下不至地七尺以防飛鳥  
則真實網於牖而可捲可裂也此唐制之所因放也非

古來屏闕刻鏤之制也唐雖借古果愚語以名網戶然果愚二字因其借喻而形狀益以著明也

上林賦

亡是公賦上林蓋該四海言之其叙分界則曰左蒼桐右西極其舉四方則曰日出東沼入乎西陂南則隆冬生長涌水躍波北則盛夏含凍裂地涉水揭河至論獵之所及則曰江河為陸泰山為櫓此言環四海皆天子園囿使齊楚所誇俱在包籠中彼於日月所照霜露所



隆亢土毛川珍孰非園囿中物叙而寘之何一非實後  
世顧以長安上林覈其有無所謂癡人前不得說夢者  
也秦皇作離宮闕內三百關外四百立石東海上胸界  
中為秦東門此即相如上林所從祖效以該括齊楚者  
也自班固已不能曉曰亡是公言上林廣大山谷水泉  
萬物多過其實且非義理所止故刪取其要歸正道而  
論之由是言之後世何責焉

萬年枝

謝詩有風動萬年枝之句凡宮詞多承用之然莫知其  
為何種木也或云冬青木長不凋謝即萬年之謂亦無  
明據而世間植物如楷松檜栢皆經冬不凋何獨冬青  
之枝得名萬年也按西京雜記初脩上林苑羣臣遠方  
各獻名果異木亦自製為美名以標奇麗其品有萬年  
長生樹千年長生樹各十株雖有異名亦不解何物越  
石氏藏書中有吳興方勺所著泊宅編者曰徽宗興畫  
學同試諸生以萬年枝上太平雀為題在試無能識其

何木遂皆黜不取或密以叩中貴中貴曰萬年枝冬青木也太平雀頻伽鳥也惟此書指冬青為萬年枝又不知何所本也

啐酒

乾道丙戌內燕既酌百官酒已樂師自殿上折檻間抗

聲索樂不言何曲其聲但云催酒

催音作素回反

朝士多莫能

解中燕更相質問亦無知者予後閱李涪刊誤則知唐世已有此語暨淳熙乙未再來預燕則樂師但索曲子

不復抗言。耀酒當是教坊亦聞士大夫疑語而刊去不用也。予按李涪刊誤之言。耀酒三十拍促曲名三臺。耀合作啐。啐馳送酒聲音碎。今訛以平聲。李正文資暇錄所言亦與涪同。予又以字書驗之。耀屈破也。啐音蒼憤反。啐吮聲也。今既呼樂侑飲。則於啐喻有理。於屈破無理。則自唐至今皆訛。啐為耀者。索樂之聲貴於發揚遠聞。以平聲則便非有他也。況又有可驗者。丙戌所見燕樂上自至尊下至宰執。每酌曲皆異奏而惟侑飲百

官者不問初終純奏三臺一曲其所謂三臺者衆樂未  
作樂部首一人舉板連拍三聲然後管色以次振作即  
三臺曲度也夫其騷酒之語三臺之奏與李涪所傳皆  
合知啐訛為騷素回翻審也後暨乙未再與內燕則樂  
皆異名雖三臺亦不復奏矣名賢詩話閒適門載王仁  
裕詩曰淑景即隨風雨去芳尊每命管絃騷後押朝烏  
夜免催則騷酒也以侑酒為義唐人熟語也又趙勰交  
趾事迹下匏笙項下以匏為笙上安十簧雅合律呂騷

酒逐歌極有能者勰本朝人其言唯酒即國初猶用唐語也

唐宮人引駕出殿上

唐會要天祐二年勅今後每遇延英坐朝日只令小黃門祇候引從宮人不得擅出內乃知杜詩戶外昭容紫袖垂雙瞻御座引朝儀者真出殿引坐而鄭谷入閣詩亦言導引出宮鈿蓋至天祐始罷

臚岱

班固叙傳於郊祀志曰大夫臚岱鄭氏曰季氏旅於泰山是也師古曰旅陳也臚亦陳也臚旅聲相近其義一耳按班固即臚代旅與儀禮合

韋甲

吳子謂魏文侯曰今君四時使人斬離皮韋掩以朱漆畫以丹青爍以犀象則知戰國時但以韋為甲未用鐵也

吳子

紫荷

通典尚書令僕射尚書銅印墨綬朝服佩水蒼玉腰劔  
紫荷執笏梁制也

山玄玉水蒼玉

通典周制也天子白玉山玄水蒼者視之文色所似也

玉振

管子曰玉有九德叩之其音清專徹遠純而不殺亂也  
按此諸家之言孔子玉振者曰其謂終條理者為其叩  
之其聲首尾如一不比金之始洪終殺是為終條理



繡衣使所始

史記

六十

武帝時盜羣起遣中丞丞相長史督之弗能

禁乃使范昆張德等衣繡衣持節虎符發兵以擊之

五王桃李

狄梁公既立中宗薦張柬之袁恕已桓彥範崔元暉敬  
暉五公咸出門下皆自州縣拔居顯名外以為五公為

一代之盛桃李也

徐浩廬  
陵王傳

帖職

劉禹錫集九荆門縣記云禹錫方以即位帖職于計臺  
子所見帖職字此為先然未知帖是否

燠

韓文

三十

衛造微曰我聞南方多水銀丹砂雜倪奇藥燠

為黃金可餌以不死

鎰

趙與蘇秦黃金百鎰注二十兩為一鎰

戰國策三

一金

公孫閑使人操十金卜於市注二十兩為一金

策八

### 茶與鬱雷

東海中有山名度朔上有大桃其卑枝間東北曰鬼門  
上有二神人一曰茶與一曰鬱雷主治害鬼故世刊此

桃梗畫茶與鬱雷首正歲以置門戶蘇秦土偶桃梗

國策

十

### 犀毗

趙武靈王賜周紹胡服衣冠具帶黃金師比注云史記

匈奴傳漢遣單于有黃金飾具帶一飾漢書要義曰罽

即腰中大帶黃金舁純一徐廣曰或作屏毗注引戰國策

趙武靈王賜周紹具帶黃金師比延篤云胡苧帶鉤也

則帶鉤亦名師比則舁屏與師並相近而說各異耳

策十

九

### 鼓角

節將入界每州縣須起節樓本道亦至界首衙仗前引  
旌幢中行大將打珂金鈺鼓角隨後右出李商隱所撰

使範在臺儀後

夾纈

元宗時柳婕妤妹適趙氏性巧慧使工鏤板為雜花象之而為夾纈因婕妤生日獻王皇后上見而賞之因敕宮中依樣製之當時甚秘後漸出徧於天下

唐語林四

玼

字書玼蜃甲可飾物則江瑤之用瑤誤矣爾雅釋弓曰弓有緣者為弓以金者謂之鈇以蜃者謂之玼則江玼

不當為瑤明矣

太平御覽三百四十七

鹽如方印

唐會要祥瑞門武德七年長安古城鹽渠水生鹽色紅白而味甘狀如方印按今鹽已成鹵水者暴烈日中數日即成方印潔白可愛初小漸大或十數印累累相連則知廣瑞所傳非為虛也

銅葉盞

東坡後集二從駕景靈宮詩云病貪賜茗浮銅葉按今

御前賜茶皆不用建盞用大湯斚色正白但其制樣似銅葉湯斚耳銅葉色黃褐色也

七秩

樂天集

三十卷

元日對酒曰衆老憂添歲余衰喜入春年

開第七秩屈指幾多人又同日一首云夢得君知否俱過本命年注曰余與蘇州劉郎中同壬子歲今年六十

二

金釰器

續漢書桓帝祠老子用純金釳器揚雄蜀都賦曰雕鎬  
釳器百伎千工

八蠶

吳錄曰南陽郡一歲蠶八績

御覽八  
百十五

馬乳蒲萄

唐平高昌得馬乳蒲萄造酒京師始識此酒之味

御覽  
八百

四十  
四

疊



酉陽雜俎劉錄事食鱠數疊今俗書牒字誤以其可疊  
故名為疊也然牒字乃疊札為之則以疊為牒亦有理  
也

演繁露卷十一

欽定四庫全書

演繁露卷十二

宋 程大昌 撰

侯鵠

周禮司裘王大射則共虎侯熊侯豹侯設其鵠諸侯則共熊侯豹侯卿大夫則共麋侯皆設其鵠鄭氏注侯謂以虎熊豹麋之皮飾其側又方制之以為臯音準謂之鵠

著于侯是謂皮侯賈公彥循鄭氏此說謂還以熊虎等皮為鵠於其上其說恐未然也射之設鵠以為的也若

以熊虎等皮為侯又以熊虎等皮為的則侯與鵠兩無別異恐古人立的以準射不應如此昧昧鄭氏亦自覺不安又從為之說曰鵠小鳥難中是以中之為雋其義近之而不敢自主何也鵠之為物揚飛迅駛射之難中故古人言射者往往及之孟子曰一心以為鴻鵠將至思援弓繳而射之漢高帝曰鴻鵠高飛一舉千里羽翼已就橫絕四海雖有繒繳尚安所施又梓人張皮侯而棲鵠其在皮侯則曰張在鵠則曰棲是鵠非皮類而真

為鵠形審矣夫惟以獸皮為侯而棲鵠其上於示遠立的便故吾恐鄭氏之說未安也

琵琶皮絃

葉少蘊石林語錄謂琵琶以放撥重為精絲絃不禁即斷故精者以皮為之歐公時士人杜彬能之故公詩云坐中醉客誰最賢杜彬琵琶皮作絃因言杜彬恥以技傳丐公為改予考公集所載贈沈博士歌誠有此兩句然其下續云自從彬死世莫傳玉練縑聲入黃泉則公

詠皮絃時彬已死安得有丐改事恐石林別見一詩耶  
陳後山亦疑無用皮者然元稹琵琶歌傾聲少得似雷  
吼纏絃不敢彈羊皮又曰鴟絃鐵撥響如雷房千里大  
唐雜錄載春州土人彈小琵琶以狗腸為絃聲甚淒楚  
合三物觀之以皮造絃不為無證若詳求元語恐是羊  
皮為質而練絲纏裹其上資皮為勁而其聲還出於絲  
故歐公亦曰玉練縑聲也

冒絮

薄太后以冒絮提文帝晉灼曰巴蜀異志謂頭上巾為  
冒絮冒音陌顏師古曰老人以覆其頭應劭曰陌額絮  
也詳其所用當是以絮為巾蒙冒老者顙額也冒之義  
如冒犯鋒刃之冒其讀如墨則與陌音冒義皆相近矣  
漢官舊儀皇后親蠶絲絮自祭服神服外皇帝得以作  
縷縫衣皇后得以作巾絮而已以絮為巾即冒絮矣北  
方寒故老者絮蒙其頭始得溫暖地更入北則塞外貂  
冠狼頭帽皆其具矣

玉樹

甘泉賦翠玉樹之青蔥左思譏以假稱他土珍怪按漢武故事既得藥大即甘泉宮造甲乙帳前庭植玉樹玉樹之法葺珊瑚為枝以玉碧為葉花子或青或赤悉以珠王為之故顏師古注云玉樹者武帝所作集衆寶為之用供神也非自然而生左思失之蓋為是也長安記正以玉樹為槐也當是並緣青蔥之語乎

甲庫



唐吏部有甲庫龐元英文昌雜錄曰用甲乙次第其庫  
而此庫其首也猶如漢言令甲令丙然此誤也唐制中  
書門下吏部各有甲歷名凡三庫其曰甲者若干人為  
一甲其在選部則名團甲其在今日則擬官奏鈔總言  
此鈔某等凡幾人者是其制也唐云甲令言等一也是  
其所從名庫以甲也會要太和九年勅令後應六品闕  
已下凡自稱舊嘗有官皆下甲庫檢勘有無又貞元四  
年吏部奏艱難以來三庫勅甲又經失墜人多罔冒乃

至制勅旨甲皆被改毀則甲庫也者正收藏奏鈔之地  
非甲乙之甲也

僧衣環

唐會要吐蕃官章飾有五等一瑟瑟二金三以金飾銀  
四銀五熟銅各以方圓三寸褐上裝之安膊前以辨貴  
賤今僧衣謂之袈裟者當臂有環環中著鍵橫紐上下  
牙角銀銅隨力為之其源流殆出此乎

疇人

古字不拘偏旁多借同聲用之漢志疇人疑籌人也從  
筭歷言之比疇列之疇於義為徑

登席必解韞

左氏哀二十五年衛侯蒯輒與大夫飲酒靈臺褚師聲  
子韞而登席公怒辭曰臣有疾異於人若見之君將靸  
之靸嘔吐也以是知古者登席不獨脫屣又解韞也

兩觀

魯有兩觀非度也書新作雉門及兩觀皆譏也然戲少

正知必即兩觀以周之所以誅誅之不毀明堂之意也  
夫將有為東周之心則佛肸尚可因而況周度之所寄  
乎

社日停針線取進士衣裳為吉利

張籍吳楚歌詞云庭前春鳥啄林聲紅夾羅襦縫未成  
今朝社日停針線起向朱櫻樹下行則知社日婦人不  
用針線自唐已然矣又送李餘及第云歸去惟將新誥  
牒後來爭取舊衣裳又知新進士衣物人取之以為吉

兆唐俗亦既有之

六么

段安節琵琶錄云貞元中康崑崙善琵琶彈一曲新翻  
羽調綠腰注云綠腰即錄要也本自樂工進曲上令錄  
出要者乃以為名誤言綠腰也據此即錄要已訛為綠  
腰而白樂天集有聽綠腰詩注云即六么也今世亦有  
六么然其曲已自有高平仙呂兩調又不與羽調相協  
抑不知是唐世遺聲否耶

文史

封氏見聞記古者十歲入小學學書計十七能誦書九千字乃得為史又更郡守課試乃得補書史即東方朔所謂三冬文史足用而以二十二萬言為多者也文人便以文史為史籍非也

笛曲梅花

段安節樂府雜錄笛羌樂也古曲有落梅花吳兢樂府要解胡角者本以應胡茄之聲後漸用之有雙橫吹即

胡樂也競所列古橫吹曲有名梅花落者又許雲封說  
笛亦有落梅折柳二曲今其辭亡不可考矣然詞人賦  
梅用笛事率起此

金蓮燭

令狐綯賜金蓮燭是以金蓮花為臺事見撫言

知後典

縣吏受郡事而下之縣者今皆謂之祇候典訛也國朝  
會要唐藩鎮皆置邸京師謂之上都留後院大厯十二

年改為上都知進奏院又撫言載夏侯孜業李敬者久  
從孜苦厄不去同類怵之他適敬曰吾主人登第尚擬  
作西川留後官後十年孜鎮成都以敬知進奏以此言  
之今之祇候典云者乃借唐藩鎮留後吏目以為名稱  
當曰知後典不當曰祇候典也此雖猥事而世間名稱  
如此其訛者多也

墓誌

西京雜記杜子夏葬長安臨終作文曰云云及死命刊



石埋於墓側則墓之有志不起南朝王儉然西京雜記  
所紀制度多班固書所無又其文氣嫵媚不能古勁疑  
即葛洪為之

### 卷白波

飲酒卷白波唐李濟翁資暇錄謂漢時嘗擒白波賊人  
所共快故以為酒令晏公類要六十五卷白集詩云長  
驅波卷白連擲采成盧注曰骰盤卷白波莫走鞍馬皆  
當時酒令名

玉衣

老杜詩玉衣晨自舉鐵馬汗常趨皆言昭陵神靈也三輔故事高廟中御衣從篋中出舞於殿上冬衣自下在席上

幘頭垂脚不垂脚

幘頭起於後周一名四脚其制裁紗覆首盡韜其髮兩脚繫腦後故唐裝悉垂脚其改為硬脚史不載所始故莫知其的自何時也孫角談苑載柳玘在東川有從子

來省玳不甚顧視其家人為之叙說房派行第亦不領  
畧僕隸輩相與獻疑曰得無責敬於君之幞頭也乎姑  
垂脚入見以占其意可也此郎乃垂下翹翹之尾果獲  
撫接則知當柳玳時幞頭不皆垂脚其屈而下垂者乃  
其用以為敬也國初有王易者著燕北錄載契丹受諸  
國聘覲皆繪畫其人物冠服惟新羅使人公服幞頭畧  
同唐裝其正使著窄袖短公服橫烏正與唐制同其上  
節亦服紫同正使惟幞頭則垂脚疑唐制以此為等差

故流傳新羅者如此也又秦再思洛中紀異云唐太宗  
令馬周雅飾幘頭至昭宗乾符初教坊內教頭張口笑  
者以銀撚幘頭脚上簪花釵與內人裹之上悅乃曰與  
朕依此樣進一枚來上親櫛之復覽鏡大悅由是京師  
貴近效之龐元英著文昌錄乃以為宣宗未知孰是沈  
存中筆談謂唐惟人主得服硬脚晚季方鎮擅命始有  
僭服者宣和重修鹵簿圖言唐制皆垂脚其後帝服則  
脚上曲五代漢後漸變平直其說與上所載畧同而皆

不記所出豈皆以意揣度乎

換鶯是黃庭經

王羲之本傳以書換鶯者道德經也文士用作黃庭人  
皆謂誤張彥遠法書要錄載褚遂良右軍書目正書第  
二卷有黃庭經注云六十行與山陰道士其時真蹟固  
在既可以見其為黃庭無疑又武平一徐氏法書記親  
在禁中見武后曝太宗時法書六十餘函所記憶者扇  
書樂毅告誓黃庭又徐浩古跡記玄宗時大王正書三

卷以黃庭為第一不聞道德經則傳之所載却誤

骨朶

宋景文公筆錄謂俗以朶為骨朶者於古無稽據國朝  
既名衛士執朶扈從者為骨朶子班遂不可攷子按字  
書箇朶皆音竹瓜通作箇箇又音徒果反箇之變為骨  
朶正如而已為爾之乎為諸之類也然則謂朶為骨朶  
雖不雅馴其來久也

爵公

國史許瓊傳開寶五年瀘密等州各奏民年八十以上  
呂繼美等二十九人並賜爵公士翰林學士汪藻先世  
有號爵公者汪謂五代間得此爵恐或便在此開寶間  
也

如律令

李濟翁資暇錄言今人符咒後言急急如律令者今音零  
律令雷鬼之最捷者謂當如律令鬼之捷也按風俗通  
論漢法九章因言曰夫吏者治也當先自正然後正人

故文書下如律令言當承憲履繩動不失律令也今道  
流符咒家凡行移悉倣官府制度則其符咒之云如律  
令者是倣官文書為之不必鑿言雷鬼也

桃笙

柳子厚詩云盛時一失貴反賤桃笙蒲葵安可常案揚  
雄方言簟宋魏之間謂之笙梁簡文帝荅南平嗣王餉  
舞簟書曰五離九析出桃枝之碧筍郭璞桃枝贊曰叢  
薄幽薈從風蔚猗簟以寧寢杖以持危杜子美亦有桃



竹杖詩桃笙蓋以桃竹為簞也

漢爵級所直

惠帝元年民有罪得買爵三十級以免死罪應劭曰一級直錢二千凡為六萬按惠帝初立賜爵級有差中郎不滿一歲一級外郎不滿二歲賜錢萬謂作外郎未滿二歲者其賞不及一級裁賜萬錢耳今乃以三十級為六萬其誤無疑顏師古亦不辨

白駒非日景

魏豹傳人生一世間如白駒過隙顏師古釋白駒日景也劉孝標答劉紹書曰隙駒不留李善注墨子曰人之生乎地上無幾何也譬猶駒之過隙二世謂趙高曰人生居世間譬如騁六驥過決隙也則豹所引者不以白駒為日景

冠帔

曾子固王回母金華縣君曾氏誌夫人以夫恩封縣君以兄曾公亮恩賜冠帔也是得封者未遽得冠帔中

間朱康侯母以太母恩得初封託子問冠帔制度遍詢禮寺皆無之壬辰年在建康與客談及此秦塤侍郎適在子問其家數有特賜者必知其制秦言其姊出適時德壽使人押賜冠帔亦止是珠子鬆花特髻無有所謂冠也秦丞相夫人塑像建康墳庵乃頂金鳳于髻上又不知何據

俗語以毛為無

後漢馮衍傳說鮑永曰更始諸將虜掠飢者毛食寒者

裸跣注毛草也太子賢案衍傳毛作無今俗語猶然或古亦通用乎耗矣哀哉注以耗為毛毛無也唐黃繡綽諧語以賜緋毛魚袋借毛為無則知閩人之語亦有本

唐婦人有特勅方許乘檐朝謁

杜詩夫人常肩輿上殿稱萬壽按唐會要命婦朝謁並不得乘檐子其尊屬年高特勅賜檐子者不在此例王珪母殆得特恩歟

唐時三品得服玉帶

韓退之詩不知官高卑玉帶垂金魚若從國朝言之則極品有不得兼者然唐制不爾也唐制五品已上皆金帶至三品則兼金玉帶通鑑明皇開元初敕百官所服帶三品以上聽飾以玉是退之之客皆三品之上亦足詫矣本朝玉帶雖出特賜須得閤門闕子許服方敢用以朝謁則體益以重然唐裴晉公得特賜乃于闌玉也暨病亟具表返諸上方其自占辭曰內府之珍先朝所賜既不合將歸地下又不敢留在人間謹以上進不

知故事當進如隨身魚符之類耶抑晉公自以意初為  
此舉也本朝親王皆服玉帶元豐中初造玉魚賜嘉岐  
二王易去金魚不用自此遂為親王故事又前世所未  
有者

古者戮不必是殺

左氏文十年楚子畋孟諸命夙駕載燧宋公為右孟違  
命文之無畏扶其僕以徇或謂子舟曰國君不可戮也  
此以扶為戮又襄六年宋子蕩以弓楛華弱于朝平公

見之曰司武而梏於朝難以勝矣遂逐之子罕曰專戮  
於朝罪甚大焉亦逐子蕩此以梏為戮則甘誓謂不用  
命戮于社子則孥戮汝未必殺之或者降削其家廩給  
之類其斯以為孥戮焉耳苟惟不然罰弗及嗣虞舜之  
世則未遠也啓以肖禹得傳政焉豈其罪人遽肯以族  
耶

演繁露卷十二